



Sámi allaskuvla
Sámi University College

OAHPPOPLÁNA

Guohtumuš,
guohtun
ja
guođoheapmi

BOA 102 Guohtunšattuid ja guohtuma máhttua, 10 oahppočuoggá
BOA 103 Eatnamiid ja guođoheami máhttua, 10 oahppočuoggá

1. OAHPOOVTTADAGA NAMMA

GUOHTUMUŠ, GUOHTUN JA GUOÐOHEAPMI
NO: BEITE, BEITETILGANG OG GJETING
ENG: PASTURE, PASTURE AVAILABILITY AND HERDING

2. OPPALAŠ DIEÐUT OAHPU BIRRA

- **OAHPOOVTTADAGA KODA:** BOA102 ja BOA 103
- **VIIDODAT:** 10 + 10 oahppočuoggá
- **OAHPU LÁGIDEAPMI:** klássalanjas ja vejolaš geabbilis oahpahussan

3. OAHPOOPROGRÁMMA GULLEVAŠVUOHTA

Oahppu lea oassin boazodoalooahpuid bacheloras, ja sáhttá maid leat oassin eará bacheloroahpuin.

4. SISABEASSANGÁIBÁDUSAT

Dábalaš sisabeassangáibádusat alitoahpahussii. Sisabeassanvuodđu sáhttá leat juogo oppalaš lohkangelbbolašvuhta (čaðahan joatkkaskuvlla/logahaga/gymnásá) dahje reálagelbbolašvuoda. Lassin galgá sámegiela máhttu vuosttaš- dahje nubbingiellan joatkkaskuvllas dahje vástideaddji (omd. sámegiela lohkanbadjeoahppu). Studeanttas lea maid vejolašvuhta duoðaštit iežas sámegiela lohkangelbbolašvuoda sierra giellageahčaleami bokte.

5. OAHPAHUSGIELLA

Oahpahusgiellan lea dábalaččat sámegiella. Oahpahus sáhttá leat maiddái skandinávalaš dahje eŋgalas gillii.

6. SISDOALLU

Oahpu áigumuš lea guorahallat bohccó guohtumuša, guohtuma ja guoðoheami sihke boazosámi máhttovuođu ja iešguđet fágasurggiid lahkonganvuogi bokte. Oahppu lea juhkkon guovtti ovttadahkii, mas goappáge ovttadagas lea sierra eksámen.

Fáddá	1. Oahppoovttadat – BOA102, 10 oč
	Guohtunšattuid ja guohtuma máhttu

Fáddá	2. Oahppoovttadat – BOA103, 10 oč.
	Eatnamiid ja guoðoheami máhttu

Dát oahppu heive bures olbmuide geain lea juogo boazodoalloduogáš dahje boazodoalu vuodđooahppu ja earáide geat barget boazodoalloáššiiguin.

7. OAHPPANJOKSOSAT

Studeantt galget dánna oahpuin háhkat

1) máhtu atnit sámi doahpagiid ja bagadallanvugiid ovttaskas guohtumuša ja guohtuma birra ja

2) máhtu ealu doallama ja guođoheami birra.

Dás de galget erenoamážit áddet ja árvvoštallat movt sáhttá kombineret boazosámi iežaset ipmárdusa bohccos ja diehtagiid dieđuid ja dutkamiid bohcco ja boazodoalu birra, ja dakko bokte oažžut govda ipmárdusvuodu boazodoalu oppalaš jurddašeapmái.

1. ovttadaga (BOA102, 10 oč) oahppanjoksosat:

Guohtunšattuid ja guohtuma máhttu

Studeanta galgá:

- Dovdat bohcco válđo guohtunšattuid birra.
- Máhttit árvvoštallat ja čilget guohtundilálašvuodaid ja dás maiddái muohtadiliid sihke boazosámi iežaset ipmárdusa ja luonddudiehtagiid dieđuid vuodul
- Máhttit oaidnit movt guohtundilit sáhttet váikkuhit bohccui ja ellui.
- Dovdat movt iešguđetlárje árvvoštallet movt guohtumuš váikkuha produktivitehtii ja bohcco buorrevuhtii árbevirolaš ja biologalaš árvvoštallama ja vugiid vuodul.

2. ovttadaga (BOA103, 10 oč) oahppanjoksosat

Eatnamiid ja guođoheami máhttu

Studeanta galgá:

- Čilget movt iešguđetlágan eatnamat ja birrasat leat dehálaččat bohcco iešguđet áiggis ja movt váikkuhit boazodollui olgomáilmimi eanangáržžadusat ja eará muosehuhttimat masa gullet sihke luondu ja olbmo vuđot bealit.
- Máhttit čilget movt lihkada eatnamiid ja geinnodagaid mielde ja das makkár árbevirolaš ja ealloravdda čilgenvuogit das leat.
- Diehtit árbevirolaš guođoheami válđoáššiid ja láhkamearrádusaid reguleremiid mat gusket guođoheapmái.

8. OAHPAHAN- JA OAHPPANVUOGIT

Oahppan dáhpáhuvvá logaldallamiid, ekskuršuvnnaid, joavkobargguid, hárjehusaid, semináraid ja bagadallamiid bokte. DGT lea dehálaš reaidu oahpus.

9. GÁIBÁDUSAT BEASSAT EKSÁMENII

Goappašat ovttadagaide gullá ahte studeanttai galget ovdanbuktinsemináras čilget eksámenfáttá birra maid fágaoahpaheaddji dohkkeha. Studeanttai ožzot bagadallama bargui ja dat galgá šiehtaduvvot ovdagihtii.

10. EKSÁMEN

1. ovttadaga (BOA102, 10 oč) eksámen: Čálalaš ruovttueksámen.
2. ovttadaga (BOA103, 10 oč) eksámen: Čálalaš ruovttueksámen

Árvosánit addojuvvojit ECTS vuogádaga mielde, mas A lea buoremus árvosátni ja E lea vuolemus ceavzinárvosátni. F árvosátni mearkkaša ahte ii leat ceavzán.

Goappáge ovttadahkii addojuvvo sierra árvosátni.

Muđui čujuhuvvo Sámi allaskuvlla loahpalaš árvvoštallan- ja eksámennjuolggadusaide.

11. LEA GO PRIVATISTTAIN VEJOLAŠ VÁLDIT DÁN FÁGA/FÁTTÁ?

Lea vejolaš váldit dán oahpu privatistan.

12. KVALITEHTASIHKKARASTIN

Čujuhuvvo SA kvalitehtasihkkarastinvuogádahkii, ja makkár vejolašvuodat/geatnegasvuodat studeanttain lea árvvoštallat Sámi allaskuvlla oahppofálaldagaid ja bálvalusaid kvalitehta.

Studeantadásis oahppu árvvoštallojuvvo evaluerenčoahkkimis ja studeanttai devdet árvvoštallanskovi oahpu loahpahettiin. Ásahusdásis oahppu árvvoštallojuvvo studeantaárvvoštallamiid, eksámenraporttaid, sensorraporttaid ja fágaraporttaid vuodul.

13. LOHKANMEARRI

Lohkanmearri sistisdoallá maiddái logaldalli logaldallamiid ja oahppomateriála (mángejuvvon teavsttat, oktiigeasut jnv.). Studeanta sáhttá ovttasráðiid fágaoahpaheddiiguin lonuhit lohkanmeari čállosiid.

Dohkkehuvvo sierra.